



Broj: 09/2-16-8-37680-17/24
Sarajevo, 23. 2. 2025. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24), te prijedloga Komisije za provođenje postupka nabavke usluga posredovanja u prodaji avio karata za potrebe Ministarstva inostranih poslova Bosne i Hercegovine, broj: 09/1-32-34-8-43137/24 od 06.12.2024. godine, **donosim:**

ODLUKU
o izboru najpovoljnijeg ponuđača

Ponuđač „**Mrkulić Company**“ d.o.o. **Ilidža - Sarajevo** sa ponudom zaprimljenom kod ugovornog organa dana, 10.01.2024. godine pod brojem: 09/2-16-8-37680-4/24, proglašava se najpovoljnijim, te se imenovanom ponuđaču dodjeljuje okvirni sporazum za nabavku usluga posredovanja u prodaji avionskih karata za potrebe Ministarstva inostranih poslova BiH.

Ova odluka će se objaviti na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14, 59/22 i 50/24).

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma/ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Obrazloženje

Postupak javne nabavke pokrenut je Odlukom o pokretanju postupka broj: 09/2-16-8-37860-1/24 od 08.11.2024. godine, kojom je predviđeno da procijenjena vrijednost nabavke iznosi 400.000,00 KM bez PDV-a.

Javna nabavka je provedena putem otvorenog postupka sa predviđenim provođenjem e-Aukcije i zaključivanjem okvirnog sporazuma na period od 1 (jedne) godine, a shodno tenderskoj dokumentaciji, broj: 09/2-2-16-8-37680-2/24 iz novembra 2024. godine, koja je objavljena na Portalu javnih nabavki dana, 20.11.2024. godine, zajedno sa Obavještenje o nabavci broj: 253-1-2-41-3-68/24. Objava obavještenja je izvršena i u „Službenom glasniku BiH“, broj: 82/24 od 29.11.2024. godine.

Komisija je Zapisnikom o pregledu i ocijeni ponuda u postupku nabavke usluga posredovanja u prodaji avionskih karata za potrebe Ministarstva inostranih poslova BiH, broj: JN1-16-8-37680-16/24 od 13.02.2025. godine, konstatovala da su do roka prijema ponuda 13.01.2025. godine, pristigle ponude sljedećih ponuđača:

1. „**Ventura Travel Agency**“ d.o.o. Travnik, dana, 05.12.2024. godine u 11,30 sati, sa ukupnom cijenom ponude u iznosu od 30.000,00 KM bez PDV-a,

2. „Mrkulić Company“ d.o.o. Ilidža, dana, 10.01.2025.godine u 09,08 sati, sa ukupnom cijenom ponude u iznosu od 31.628,00 KM bez PDV-a,
3. „Travel Plan“ d.o.o. Banja Luka, dana, 10.01.2025.godine u 10,15 sati, sa ukupnom cijenom ponude u iznosu od 30.000,00 KM bez PDV-a,
4. „VIP Travels“ d.o.o. Sarajevo, dana, 10.01.2025.godine u 12,30 sati sa ukupnom cijenom ponude u iznosu od 14.000,00 KM bez PDV-a,
5. „Centrotrans“ a.d. Sarajevo, dana 10.01.2025. godine u 14,15 sati sa ukupnom cijenom ponude u iznosu od 32.000,00 KM bez PDV-a i
6. „Unilline Plus“ d.o.o. Sarajevo, dana 13.01.2025. godine u 08,45 sati sa ukupnom cijenom ponude u iznosu od 19.500,00 KM bez PDV-a.

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da je ponuda ponuđača „Uniline Plus“ d.o.o. Sarajevo neprihvatljiva, iz razloga što sve stranice ponude nisu ispravno numerisane na način da je vidljiv redni broj stranice ili lista u skladu sa članom 8. stav (6) i (7) Uputstva za pripremu tenderske dokumentacije i ponuda, a kako je navedeno u tački 6.1.6. tenderske dokumentacije.

Analizom dokumentacije ponude prvoplasiranog ponuđača „VIP Travels“ d.o.o. Sarajevo, Komisija je procijenila da je ponuda istog u skladu sa članom 66. Zakona o javnim nabavkama Bosne i Hercegovine i članom 17. Uputstva za pripremu modela tenderske dokumentacije, kao i tačkom 7.5.3. tenderske dokumentacije neprirodno niska, pa je od navedenog ponuđača, dopisom broj: 09/2-3-16-8-37680-2-KJN/24 od 15.01.2025. godine, zatražila pojašnjenje neprirodno niske cijene.

Analizom dokumentacije ostalih ponuda, te suštinskom provjerom sadržaja i validnosti istih, Komisija je utvrdila su prihvatljive i mogu biti predmet vrednovanja, shodno kriterijima utvrđenim Obavještenjem o nabavci i tenderskom dokumentacijom.

Dana, 17.01.2025. godine, Ministarstvo inostranih poslova BiH je pravovremeno zaprimilo pojašnjenje neprirodno niske cijene od strane ponuđača „VIP Travels“ d.o.o. Sarajevo, koje je Komisija jednoglasno prihvatila i smatrala da je isto osnovano i obrazloženo u skladu sa članom 66. stav (2) Zakona o javnim nabavkama, a samim tim i ponuda ponuđa prihvatljiva.

Na osnovu prethodno navedenog, a u skladu sa tačkom 3.5.1. tenderske dokumentacije, kojom je utvrđen kriterij za dodjelu ugovora „najniža cijena“, Komisija je na sastanku održanom 05.02.2025. godine, konstatovala da su se za proceduru provođenja e-Aukcije kvalifikovali sljedeći ponuđači:

1. „Ventura Travel Agency“ d.o.o. Travnik, sa ukupnom cijenom ponude u iznosu od 30.000,00 KM bez PDV-a,
2. „Mrkulić company“ d.o.o. Ilidža, sa ukupnom cijenom ponude u iznosu od 31.628,00 KM bez PDV-a,
3. „Travel Plan“ d.o.o. Banja Luka, sa ukupnom cijenom ponude u iznosu od 30.000,00 KM bez PDV-a,
4. „VIP Travels“ d.o.o. Sarajevo, sa ukupnom cijenom ponude u iznosu od 14.000,00 KM bez PDV-a.
5. „Centrotrans“ dd. Sarajevo sa ukupnom cijenom ponude u iznosu od 32.000,00 KM bez PDV-a,

i da je iste potrebno pozvati na učešće u e-Aukciji.

Nakon uspješno okončane e-Aukcije koja je održana dana, 10.02.2025. godine u 10:00 časova, a na osnovu Izvještaja o toku i završetku e-Aukcije, Komisija je konstatovala da je konačna rang lista ponuđača sljedeća:

1. „Ventura Travel Agency“ d.o.o. Travnik, sa ukupnom cijenom ponude u iznosu od 0,01 KM bez PDV-a,
2. „Travel Plan“ d.o.o. Banja Luka, sa ukupnom cijenom ponude u iznosu od 0,04 KM bez PDV-a,
3. „VIP Travels“ d.o.o. Sarajevo, sa ukupnom cijenom ponude u iznosu od 0,12 KM bez PDV-a,
4. „Centrotrans“ d.d. Sarajevo sa ukupnom cijenom ponude u iznosu od 19,60 KM bez PDV-a i
5. „Mrkulić company“ d.o.o. Ilidža, sa ukupnom cijenom ponude u znosu od 31.628,00 KM bez PDV-a.

Postupajući u skladu sa članom 10. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23), a na osnovu Izvještaja o toku i završetku e-Aukcije, Komisija je izvršila srazmjerno umanjenje jediničnih cijena navedenih u Aneksima 3 – Obrascima za cijenu ponude ponuđača „Ventura Travel Agency“ d.o.o. Travnik, „Travel Plan“ d.o.o. Banja Luka i „VIP Travels“ d.o.o. Sarajevo za 100% i došla do računice da jedinične cijene usluga posredovanja prilikom prodaje avionskih karata i organizovanja putovanja biznis/ekonomskom klasom iznosi 0,00 KM.

U skladu sa napomenama Aneksa 3 - Obrasca za cijenu ponude TD, ponuđači ne mogu ponuditi jediničnu cijenu usluge posredovanja prilikom prodaje avionske karate od 0,00 KM, koja je dobijena kao rezultat popusta od 100% prikazanog nakon održane e-Aukcije, iz čega proizilazi da se ponude koje su iskazane na navedeni način smatraju neprihvatljivim i ne mogu biti predmet dalje analize.

Obzirom da jedinične cijene usluga posredovanja prilikom prodaje avionske karate ponuđača „Ventura Travel Agency“ d.o.o. Travnik, „Travel Plan“ d.o.o. Banja Luka i „VIP Travels“ d.o.o. Sarajevo nakon srazmjernog umanjenja od 100% iznose 0,00 KM, ponude navedenih ponuđača su ocijenjene kao neprihvatljive.

Prilikom srazmjerno umanjenja jediničnih cijena navedenih u Aneksu 3 – Obrazac za cijenu ponude ponuđača „Centrotrans“ a.d. Sarajevo, Komisija je došla do računice da jedinična cijena usluge posredovanja prilikom prodaje avionske karate i organizovanja putovanja biznis klasom iznosi 0,042 KM, odnosno da jedinična cijena usluge posredovanja prilikom prodaje avionske karate i organizovanja putovanja ekonomskom klasom iznosi 0,03 KM.

Komisija je u skladu sa članom 66. Zakona o javnim nabavkama Bosne i Hercegovine i članom 17. Uputstva za pripremu modela tenderske dokumentacije, dopisom broj: JN1-16-8-37680-14/24 od 11.02.2025. godine, od navedenog ponuđača zatražila pojašnjenje neprirodno niske cijene, odnosno opravdanost ponuđenih cijena.

Dana, 13.02.2025. godine, Ministarstvo inostranih poslova BiH je pravovremeno zaprimilo pojašnjenje neprirodno niske cijene od ponuđača „Centrotrans“ d.d. Sarajevo, za koje Komisija smatra da isto nije osnovano, niti prihvatljivo obrazloženo, jer ne sadrži detaljne elemente cijene ponude, kao ni razloge ponuđene cijene, kako je propisano članom 66. Zakona o javnim nabavkama.

Naime, obrazloženje neprirodno niske cijene ponuđača „Centrotrans“ a.d. Sarajevo odbacuje se iz razloga što je u Izvještaju o toku i završetku e-Aukcije kao ukupna cijena ponude naveden iznos od 19,60 KM, a u dostavljenom Obrazloženju ponuđene cijene ponudač navodi da je ukupna cijena ponude

11.760,00 KM bez PDV-a, a jedinična cijena 19,60 KM. Prilikom snižavanja cijene na e-Aukciji ponuđač je morao voditi računa o početnoj cijeni, tj. ukupnoj cijeni ponude i jediničnoj cijeni, te da snižena cijena ponude na e-Aukciji predstavlja ukupnu cijenu ponude (okvirna količina x jedinična cijena), a ne jediničnu cijenu.

Na osnovu prethodnih konstatacija, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga posredovanja u prodaji avionskih karata za potrebe Ministarstva inostranih poslova BiH, dodijeli ponuđaču „Mrkulić Company“ d.o.o. Ilidža - Sarajevo sa ukupnom cijenom ponude u iznosu od 31.628,00 KM bez PDV-a.

Cijeneći navedeno donesena je odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.



DOSTAVITI:

1. Ponuđačima,
2. Odsjeku za opšte poslove, arhiv i dokumentaciju i
3. Evidenciji a/a.